

Khasitomo ya SARS na SAPS va teka 378kg ya khokheyini

Tshwane, 24 Nyenyenyani 2023 - Vaofisiri va Khasitomo va Vukorhokeri bya Xibalo bya Afrika-Dzonga (SARS) na Vukorhokeri bya Maphorisa bya Afrika-Dzonga (SAPS) va endlile musecho namuntlha ka ha ri mpundzu eka khontheyina enhlalukweni wa Durban no kuma 378kg ya khokheyini eka yin'we ya tikhontheyina leti a ti khandziyisiwe xikepeni.

Khokheyini ya ntiyiso, leyi pimanyisiweke ku va yi ri na nkoka wa R1.3 billion, yi vhumbunuriwile endzhaku ka xintirhwana xa vunhlori xo leha vhiki lexi a xi fambisiwa hi *SARS National Targeting Unit*. Yuniti ya SARS ya le Lwandle (SARS Marine Unit), Switirhwana swa Durban (Durban Operations), Vunhlori bya Vugevenga bya Vukorhokeri bya Maphorisa bya Afrika-Dzonga (SAPS) na Vukorhokeri bya Vufokisi bya Rixaka (National Detectives Services) va ngenile eka xikepe lexi a xi ya eSouth America ku sirhelela tikhontheyina to hlaya leti a ti phurofayiliwini hi SARS.

Tikhontheyina ti kamberiwile endzhaku ka loko ti layichuluwini enhlalukweni wa Durban. Nkambelo wu paluxile swihumelerisiwa swa nsimbhi swa zinc na tibeke ta ntima to hlayanyana leti a ti ri na 378 wa switina swa khokheyini ya ntiyiso.

Tinhundzu leti nga riki enawini na leswi langutekaka tanihi switirhisiwa swo valanga swi nyiketiwile eka SAPS ku lavisisiwa ku ya emahlweni.

Khomixinara wa SARS Edward Kieswetter u ndhundhuzerile ntirho lowu hlanganisiweke kahle wa tiejensi hinkwato ta nsindziso wo hlayisa nawu leti a ti ngenelerile eka xitirhwana.

"Hi ku tirha kun'we, mfumo wu kombisile nakambe leswaku wu tinyiketerile ku lwa na ntungu wa swa nakhotiki leswi ngenaka laha tikweni no onha vutomi bya vatirhisi va swona, ngopfungopfu vantshwa.

"SARS yi nge kondzeleli migingiriko leyi nga riki enawini kambe yi ta ya emahlweni yi hetisisa xileriso xa yona xo fambisa vuxavisi lebyi nga enawini ku humelerisa nhluvukiso wa ikhonomi ya tiko ra hina," ku vurile Ttn. Kieswetter.

Mayelana na vuxokoxoko, tihlanganise na SarsMedia@sars.gov.za